

Айтбаева С.Е. *

мед.ғ.к, доцент, аға ғылыми қызметкер,
ҚР Аймақтық Валеология Академиясы, Нұрсұлтан, Қазақстан

ДЕНСАУЛЫҚҚА ЭНЕРГИЯЛЫҚ, АҚПАРАТТЫҚ, КВАНТТЫҚ КӨЗҚАРАС

Автор корреспондент: aytbaeva2019@mail.ru

Түйін. Сананың табиғаты кванттық болғандықтан адам өзінің нық сеніміне қарай өмірін қалауынша қалыптастыра алады. Өйткені, біз, қозғалыстағы электрондардан түзілген үнемі өзгеріп отыратын энергия шоғырларынан тұрамыз. Адам болмысы ақпараттық энергияларымен өзара тығыз байланысқан жан, тән және санадан құралған. Тән себептен туындайтын объект. Себеп, ол Ой, Сана. «АқРұх» энергиясы фон тәртібінде ғылыммен дәлелденген адамның энергиялық аймағында, аурасында сәулеленіп, оның болмысының әр деңгейінде энергия толқындарының пайдалы коэффициенттерін түзіп отырады. Шынайы ниеттің ақпараты ағзада сәйкес энергия импульстерін өрбіте отырып, электромагниттік толқын таратып, бесінші кеңістікте ғаламдық энергиялық резонансқа ұшырап, күшейтіледі. Нәтижесінде, ол энергиядан сана мен бейсана энергиялары әсерленіп, олар ағзада жүйке импульстері мен гормондардың қабілеттілігін арттырып, жаңа түзілген ақпаратты тарату үшін нейрондық байланыстар түзіп, жасушаларда оң биохимиялық және физикалық үрдістер белсендіріледі. Өйткені, «АқРұх»–нәзік, тірі энергиялық құрылым, онда жады мен сана болады және ол ғаламдық энергияның құрамдас бөлшегі. Адам санасы, ойы көзге көрінбейтін ғаламдық энергиямен байланысқан және олар осы энергия қалыптастырғанды анықтай алады.

Кілттік сөздер. Кванттық физика, электромагниттік толқындар, адам энергиясы, сана, рұх, ниет, денсаулық.

Кіріспе. Адамның көзіне көрінетін қоршаған әлем – бұл, әлі бүкіл ғалам емес. Эйнштейннің «салыстырмалылық теориясы» Фарадейдің 1831 ж. ашқан экспериментінің негізінде қалыптасты. Максвелл электромагниттік толқындар теориясына сүйеніп, жарықтың табиғаты электромагниттік толқын деген пікір айтты. Эйнштейн бірінші болып механика мен электродинамика заңдарын біріктірді және **Кеңістік** пен Уақытқа жаңа көзқарас берді. Физика саласындағы Нобель сыйлықтарының лауреаттары күмәнсіз дәлелдегендей физикалық әлем – бұл, энергияның мұхиты және ол түзіле салып, миллисекундта жойылып, қайта-қайта толқынды дамып отырады. Қатты және тұтас ештеңе жоқ. Кванттық физика әлемі, ғалам энергиялық әлемі осындай (1,2).

Ғалымдар қолданатын радио және рентгендік телескоптар адамның сезім мүшелерінің қабылдау шегін аз ғана кеңейте алады. Бірақ, ғалам радио диапазонында көрінетін оптикалық кеңістігіндей емес және рентгендіктен де өзгеше. Ғаламның бес өлшемдік кеңістігінің (ұзындық, биіктік, тереңдік, уақыт, энергия-ақпараттық) бір-бірімен өзара тығыз байланысын, олардың адамға әсерінің бар екендігін және ол космостық-ғаламдық заңдылықтарға бағынатынын кез келген адам терең ұғына бермейді. Қазіргі уақытта, ғылым мен инновацияның қарқынды дамуына байланысты, бұл, 5-ші өлшемнің, энергия-ақпараттық кеңістіктің адамға және оның өмірінің барлық тіршілік аясына тікелей әсері ғылыми тұрғыдан да түсіндірілуде (2,3).

Мәскеуде, 2010 жылдың 10 қыркүйегінде РФА Философия Институтының Ғылыми Кеңесінің мәжіліс залында академиктер деңгейінде Ресейдің белгілі ғылыми жетекші мекемелерінің басшылары және діндарлардың біріккен алғашқы ғылыми пікірталасы өткізілді. Онда, екі ірі ғалымның баяндамасы тыңдалып, ресейлік атақты физиктер,

нейрофизиологтар, философтар «Сана және Объективті шындық» мәселесін талқыға салды. Бірінші баяндамада РФА П.Н. Лебедев атындағы Физика институтының бас ғылыми қызметкері, физика-математика ғылымдарының докторы, профессор М.Б. Менскидің «Көзбен көретін шынайы әлем дегеніміз нақты «кванттық әлемнің» санамен таңдалынып алатын шексіз көріністерінің бірі» - деген кванттық механикаға жасаған өзіндік топшыламасы тыңдалды. Сондай-ақ, тақырып бойынша ауқымды шолуды белгілі американдық буддолог, физика ғылымының докторы Санта-Барбарадағы (АҚШ) Сананы зерттеу Институтының Президенті Алан Уоллес (В. AlanWallace) "TheRoleofConsciousnessintheNaturalWorld: BuddhilandScientificViews"- атты баяндамамен жасады.

Ғылыми пікірталас сананы нейрофизиология, психология аясынан шығарып, оған терең мағына беру, ғаламдық энергиялық процесстермен қандайда бір байланысын және оны ғылыми тұрғыдан түсіндірілуі жайында өрбіді.

Кванттық сана немесе сананың кванттық табиғаты - бұл, сананы классикалық механикамен түсіндіруге болмайтын, тек кванттық механиканың постулаттарымен және басқа кванттық белгісіздіктермен түсіндіруге болатын гипотезалар тобы (4,5,6,7,8).

Қазіргі таңда ғылымның әр саласында сананың мүмкіншіліктерін терең зерттеу адам және оның табиғатының басқа да белгісіз қырларын ғаламдық сана тұрғысынан түсіндірілуді қажет ететін пікірталасты мәселе деп қарастырылады.

Сонымен, адам тәні неден құралған? Ол, мынадай: жүйке, қан айналым, асқорыту, эндокриндік, тыныс, зәр шығару, бұлшық ет-сүйек, репродуктивтік жүйелерден құралған. Олар өз кезегінде мүшелер мен ұлпалардан түзіледі. Мүшелер мен ұлпалар болса молекулалардан түзілген жасушалардан. Молекулалар атомдардан құралған. Ал атомдар субатомдық бөлшектерден түзілген. Субатомдық бөлшектер: электрон, нейтрон және протонадам ағзасында энергияны түзеді. Міне, сондықтан адамның ғажайып болмысы – бұл, таза энергия.

Адам энергиясы дегенді қалай түсінеміз?

Материалдық көзқарас бойынша адам ет пен сүйектен жаралған. Бұл көзқарас бойынша адам ағзасында барлығы химиялық реакциялар негізінде жүреді, сондықтан емдеудің тәсілі де медицинада осыған сәйкес жүргізіледі. Бұндай көзқарас фармацевтика және фармбизнесінің шарықтау шегіне жеткізді. Бүгінгі таңда бұл көзқарас қатты ескірді, адам болмысына «шығыстық» көзқарас басымдық танытуда. Бұл шығыстың ілімдеріне, діндеріне, пәлсипалық концепцияларына негізделіп отыр. Ғалымдар адамдардың «биокеңістігін» ашты, «аура» және «эфирлік дене» суретке түсіріледі.

Сонымен, адам болмысы тығыз материядан емес, басым түрде, энергиядан құралады екен. Сондықтан да тән энергиялық қоректі де қажет етеді. Ондай энергияның көзі болып, үлкен күшке ие қаныққан, басқаша айтқанда көзге көрінбейтін нәзік энергия табылады. Біз радиотехникадан білетініміз – электромагниттік толқындардың жиілігі жоғары болған сайын көп энергияға ие.

Бұл не энергия? Оның әр түрлі атауы бар: «Космостық, ғаламдық энергия, Тіршілік энергиясы, Жаратушының энергиясы, Құдірет күші, Нұр немесе Жарық, Ақ немесе жоғары Рұх энергиясы» т.б. Бұл жәй ғана электромагниттік толқындар емес, өйткені бұл энергияны жәй физикалық құралдармен анықтауға болмайды.

Адам - автоматталған жүйе. Ол өзінің тамырларында қанның қалай ағып жатқанын сезбейтіндей, энергияның тасымалдауы мен орналасуын біле бермейді. Денсаулық энергиямен тығыз байланысқан. Былайша айтқанда денсаулық бұл энергия. Өртүрлі сезім ағзаға гормондар және басқа да ақпарат тасымалдаушылар арқылы келіп түсетін электромагниттік әсерлердің дәлелді көрінісі болып табылады.

Ғылыми әлемде денсаулықты жақсарту үшін адам энергиясын қалай жүйелі қолдану керектігі жайлы ізденістер көп-ақ. Мысалы, терапевт және натуропат Ричард Бартлетт «Энергетиканың матрицасы» атты сауығу жүйесін құрастырды. Михаэль Кёниг өзінің «Кішкентай кванттық мөр» кітабында заманауи физикамен өзін-өзі қалай емдеуге

болатыны жайлы жазады. Жалпы, осы бағыттағы барлық ізденістер мен практикалық ұсыныстар адам жасушасында жүретін энергия алмасуын жақсартуға бағытталған. Жасушада ДНК, РНК, АУФ, Кребс айналымын белсендіру, олардың табиғи мүмкіндіктерін арттыру, сол арқылы бүкіл ағза жұмысын жақсартып отырып, организмнің өзін-өзі реттеу мен қалпына келтіруді тудыру.

Кванттық шындық - бұл, адамның нақты сеніміне қарай өмірінің қалыптасуы. Адамда бес сезім мүшесі бар: көру, есту, тері арқылы сезіну, дәм және иіс сезу. Сезім мүшелері қоршаған энергияны өздерінің белгілі бір шектелген деңгейлерінде ғана қабылдай алады. Сондықтан олар толық және дәл ақпарат бере алмайды. Адамның санасы көзге көрінбейтін энергиямен байланыста болады және де осы энергияның не нәрсені қалыптастырғанын анықтай алады. Бұл энергия адам санасының бақылауымен өзгеріп отырады. Сондықтан адам өз өмірін, денсаулығын қадағалай алады. Өйткені, біз, қозғалыстағы электрондардан түзілген үнемі өзгеріп отыратын энергия шоғырларынан тұрамыз. Объект өзінің бақылаушысынан тыс қалыптаса алмайды. Біздің бақылауларымыз, біздің не нәрсеге болмасын зейініміз және ниетіміз «объектіні» қалыптастырады. Бұл ғылыммен дәлелденген. Мәселен, дәрігер Фрэнк Кинслоу «Кванттық ауысу» тәсілін, ақыл мен ойдың ар жағына өту, түйсіктің тереңіне үңілудің жаңа прогрессивті технологиясын ұсынды. Аурудан бір мезетте айығу дәл осылай жүреді.

«Көріпкелдік, емшілік, интуиция, алтыншы сезім» - секілді экстра ординарлық қабілеттің болуы адамның энергиялық жоғары сезімталдығының дамуына байланысты. Негізінде, бұл ерекше сезім мүшелері адам энергиясының құрамдық бөлігі. Сондықтан кез келген адам өзінің осы аталған қабілетін жетілдіре алады, сол арқылы өз денсаулығын қадағалауға мүмкіндік алады. 1990 жылы, астрофизикаға өз үлесін қосқан, Раймонд Дэвис атомдардың өзара бекіту қабілеті адамның ойы арқылы жүзеге асатынын анықтап: «Табиғат біздің ой елесімізге тәуелді» - деген тұжырым жасайды. Бұл, табиғи процестерге адам әсер ете алады, оның мүмкіндіктері шексіз дегенді білдіреді. «Қажетті нүктеде ақпараттың ретін өзгерту арқылы дер кезінде денсаулықты жақсартуға және аурудан айығуға мүмкіндік туғызуға болады» - делінген.

Қазіргі ғылым адамда Жан болатынын және ол Тәнмен бірге өлмейтінін дәлелдеді. Сонымен адам болмысы жан, сана және тәннен құралған. Осы аталған үш құрамдас бөлшек тек бір адам үшін ғана арнайы жаратылады және оларға өзгелердің қолы жетімсіз. Тән тек физикалық әлемді сезіне алады. Тән себептен туындайтын объект. Себеп, ол Сана. Тән ештеңені туындата алмайды. Ол тек сезе алады және оны сезінуге болады, бұл тәннің айрықша қызметі. Ой немесе сана сезе алмайды, тек қиялдай, қалыптастыра және түсіндіре алады. Оған, өзін-өзі сезіну үшін салыстырмалы әлем - физикалық әлем, Тән қажет. Жан адамның бар болмысы, ол ойға және тәнге өмір береді. Адамға осыны ұғыну денсаулыққа жаңа, соны көзқарастарды қалыптастыруға мүмкіндік туғызады.

Жан бұл өмірден алған рұхани тәжірибесін және өзінде дамыта алған қадір-қасиетін алып кетіп, оны Рұх еншісіне, иесіне өткізеді. Бір рұхтар, егер адамның материалдық өмірдегі амалдары энергиялық қаныққан және ол ғаламдық энергия-ақпараттық құрылымға сәйкес болған жағдайда, «АқРұхқа» - нәзік энергиялық құрылымға айналдырылады. «АқРұхта» жады мен сана болады және ол энергия- ақпараттық кеңістікте жалпы ғаламдық энергияның құрамдас бөлшегі, тірі энергия болып табылады. Осындай «АқРұхтар» энергиясы жер бетін айнала қоршап, қорғап тұрады. Адамдар олардан кеңістіктің энергиялық импульстері арқылы ақпарат, көмек ала алады. «АқРұх»күдіреті, күші осылай байқалады.

Қазақтың «аруақ» сөзі «ақ-рұх-ақ» деген ұғымды білдіреді, өйткені оның этимологиясы осыдан бастау алады деп ойлаймын. Фонетика заңдылығына сәйкес «ақрұхак» сөзі айтыла келе «аруақ» немесе «әруақ» болып өзгеріске ұшыраған болуы әбден мүмкін. «Ақ Рұх» Жаратушымыздың қасиеттерінің бірі, сипаты, оның энергиялық күшінің, ақпараттық болмысының, күдіретінің бір бөлшегі.

Жер бетінде экстраординарлық қабілеті, сана түйсігі өте жоғары адамдар аз

болмаған. Оларды Алланың ерекше ықыласы мен мейіріміне бөленгендер, оның Нұры түскендер, «арқасы бар», «аруақты» деп есептейді қазақ. Бұндай адамдар бұл дүниедегі тіршілігінде белгілі бір энергетикалық қадір-қасиетке, «әулиелікке» ие болып, айналасына шапағатын береді, тірі кезінде-ақ елінің піріне айналады. Жаратқанның өзі бұл пендесін қолдап, қуаттандырып, ой-санасына бағыт бағдар көрсетіп, қажет ілім беріп отырады. Менің ата тегімде де осындай ерекше қасиеттерге ие, қазіргі түсінікпен, ғылыми тілмен айтқанда кванттық санасы әлемдік сана энергиясымен үндес тапқан Қазыбекұлы Жабай бабам болған. Ол кісі жайлы толыққұнды тарихи деректер Айтбаев Ерген Махатбайұлының «Жабай Тоқсаба Әулие» атты кітабында түбегейлі айтылған.

Жалпы, қазақтың дүниетанымында, дінінде әулие-әнбиелері мен пірлерін, Жаратқанның олардағы таза, биік рұхын қадірлеу, қастерлеу кең орын алған. Бабалар рұхына тағзым ету, дертке шалдыққанда немесе өмірінің қиын қыстау кезеңдерінде, зиярат жасау қазақтың ғасырлардан келе жатқан рухани құндылықтары болып табылады. Зиярат жасаудың түбінде жатқан мағынаға, әрекетке пәлсипалық, психологиялық және медициналық талдау жасап көрелік.

Медицинада және психологияда психосоматика деген түсінік бар. Өйткені барлық аурулар жүйке жүйесінің белгілі бір жағдайы себепті дамиды деген дәлелденген ұғым қалыптасқан. Осының нәтижесінде психосоматикалық ауруларды қарастыратын біршама бағыттар да белгіленді: психосоматикалық медицина, практикалық психология, психотерапия, психоанализ т.б. Бұл ұғым бойынша, адам ауруларының дамуында оның жаны, санасында және бейсанасында психологиялық сәйкессіздіктер мен бұзылулардың болуы басты рөл атқарады. Ежелгі грек философиясы мен медицинасында жан мен рұхтың тәнге әсері жайында түсінік кең таралған болатын. Осындай наным «чакралар жүйесі» сипаттамасында да орын алған. Ұлы Ұстаз Аристотель айтқандай: «Ештеңе жоқ болмайды. Ештеңе жоқтан бар болмайды. Барлығы бір күйден екінші күйге ауысады».

Сонымен, психосоматикалық аурулар негізінде қандай да бір тікелей физиологиялық себептер емес, көбіне, науқастың психикалық өзіндік процесстері жатады. Психосоматикалық теория мынадай бес эмоцияға негізделеді: уайым, ыза, қорқу, қуану, шектен тыс көңіл аудару. Қазіргі уақытта бұл ауруларды емдеуде психотерапия немесе альтернативтік медицина тәсілдері қолданылады.

Егер, жоғарыда айтылғандарды ғылыми тұжырымдайтын болсақ, онда, адамның эмоциясы, сезімі және ойы адам ағзасында нейрондық байланыстар түзіп, өздеріне сәйкес энергияны тудырады. Өз кезегінде аталмыш энергия белгілі бір биохимиялық реакциялар тізбегін дамытады. Нәтижесінде, уақыт өте келе, жасушадағы қалыпты энергия түзілуі мен алмасуы бұзылып, әуелі жасушаның өзгерісіне, содан кейін мүшенің, жалпы ағзаның биохимиялық үрдістерін бұзып, дерт дамытады. Сондықтан ауруды емдеуде де осы патологиялық жағдайды тудырған эмоциямен және оймен жұмыс жасау керек. Өйткені сана және ол тудырған сезім энергияларының түбінде жатқан ақпарат, кванттық теория бойынша, қайтадан немесе жаңадан қалыпты материалдық өзгерісті тудыра алады.

Жер бетінде ғаламдық энергияның табиғи тығыз шоғырланған жерлерінде электромагниттік толқындар өрісі өте белсенді күйде болады. Ондай жерлерде адам энергиясы мен космостық энергияның өз ара әрекеті, қатынасы да жылдамдайды, тереңдейді. Осындай ерекше энергиялық тартылыс күшіне ғаламдық Рұхтық ақпараттың энергиясы қалыптасқан, шоғырланған жерлер де ие. Оған ата-баба зираттары, әулиелер кесенелері де мысал болады.

Тас суда толқындарды тудырғандай, зияратқа барған адамның шын ықыласының, ниетінің ақпараты ағзада энергия импульстерін өрбітіп, энергия-ақпараттық кеңістікке электромагниттік толқын таратады. Өз кезегінде, бесінші кеңістікте сол толқындар энергиялық резонансқа ұшырап, әсерленеді. Адам бұл физикалық процессті көңіл күйдің ерекше көтеріңкі болуымен сезінеді, санасында өзі сұрағанындай болатынына сенім артады. Сенім тудырған ақпараттық энергия сана мен сезімді жаңа биіктікке шығарады. Олар, өз кезегінде, адам ағзасында жүйке импульстерінің және гормондардың

қабілеттілігін арттырып, жаңа ақпаратты таратушы нейрондық байланыстар түзеді. Нәтижесінде психосоматикалық ауруды тудырған негативті фактордың энергиясы позитивтіге түрленеді. Осылай жасушаларда оң биохимиялық және физикалық үрдістер белсендіріледі.

Аурудан айығуда да физика заңы мүлтіксіз орындалады, өйткені жалғыз ниеттің ақпарат күші аз болуы мүмкін, оған нәтижеге деген сенім де мықты болу керек. Осы жерде әулие-әнбие, пірлердің Рұхтық энергиясы да адамның ниет және сенім энергиясын күшейтіп, оларды жарықтандырып, оның өту жылдымдығын арттыруда өз үлесін, ықпалын байқатады. Денсаулықтан басқа, өзге де тілектердің орындалуы осы механизмнің бірізділігімен қалыптасады. Сұрағанның тез арада орындалуы немесе орындалмауы метафизика заңына сәйкес шешіледі.

Ата-баба, әулеттің ақ рұхтары энергиялары адамның ғылыммен дәлелденген энергиялық аймағында, аурасында фон тәртібінде әсер ете отырып, оның болмысының әр деңгейінде энергия толқындарының пайдалы коэффициенттерін түзіп отырады. Қазақтың этнофольклорында оны аруақтың қолдап, қорғап, сақтап жүруі деп беріледі.

Қорыта айтқанда, егер біз санамызды, ойымызды, зейінімізді және құрметтеу, қадірлеу сезімдерін таза немесе жоғары күш «АқРұх» энергиясына аударатын болсақ, онда, сөзсіз, жоғарыда айтылған қарапайым, бірақ терең кванттық процесстер тетігі іске қосылады. Ол кезде энергия толқындары жоғары жиілікте, лазер сәулесіндей сипатқа ие бола бастайды, ал ол адамның рұхани потенциалын күшейтеді. Нәтижесінде дерттен айығу механизмі, адамның өмірінде басқа да оң үрдістер ықпалданады.

Сондай-ақ, қазіргі таңда медицинаның қай саласын алмайық ауруды айқындауда және емдеуде кванттық физиканың ғылыми және инновациялық жетістіктері - әр түрлі диапазондағы толқындар энергиясы кең қолданылады. Заманауи медицина физикалық үш өлшемдік кеңістіктен әлдеқайда шығып, 4 және 5-ші кеңістіктердің ақпараттық-энергетикалық мүмкіншіліктерін кең қолдануды жан-жақты зерттеулермен толықтырып, соны нәтижелер алуда және күтілуде.

Тақырыпты физика-математика ғылымдарының докторы, Стенфорд университетінің (АҚШ) профессоры Андрей Линденің сөзімен тұжырымдағым келеді (1 қыркүйек 2012): «Заманауи ғылымнан сананы шектету керек дегенге күмәнім бар. Біз, әлем материядан құралған, ал сана сол материя неден құралғанын түсіну үшін қажет деп есептейміз. Менің ойымша бұл пікір көпке көрінеу көрінеді және бізге осының барлығын қалайда біріктіруге тура келеді. Бұл революциялық қадам, оны біз жасауымыз керек, қазіргі уақытта оны тек ойлай, қиялдай аламыз».

Қорытындылар:

1. Адамның болмысы таза энергиядан құралған.
2. Адам санасының табиғаты кванттық және ол кванттық физиканың постулаттарына сәйкес өрбиді.
3. Кванттық шындық - бұл, адамның нық сеніміне қарай өз өмірінің қалыптасуы.
4. «АқРұх» - нәзік энергиялық құрылым, онда жады мен сана болады және ол жалпы ғаламдық энергияның құрамдас бөлшегі, тірі энергия болып табылады.
5. Ниет ақпараты ағзада энергия импульстерін өрбітіп, электромагниттік толқын таратып, бесінші кеңістікте энергиялық резонансқа ұшырап, әсерленеді.
6. «АқРұх» энергиясы терең кванттық процесстер тетігін іске қосып, энергия толқындарын жоғары жиілікте өрбітіп, адамның рұхани потенциалын күшейтеді.
7. Сана және бейсана энергиялары адам ағзасында жүйке импульстерінің және гормондардың қабілеттілігін арттырып, жаңа ақпаратты таратушы нейрондық байланыстар түзіп, жасушаларда оң биохимиялық және физикалық үрдістер белсендіріледі.

Әдебиеттер тізімі:

1. S. Hameroff, R. Penrose. Orchestrated Objective Reduction of Quantum Coherence in Brain

- Microtubules: The «Orch OR» Model for Consciousness, 2006.
2. Can Quantum Physics Explain Consciousness? // The Atlantic, 07.11.2016 г.
3. Matthew P.A. Fisher Quantum cognition: The possibility of processing with nuclear spins in the brain // Annals of Physics, № 362, ноябрь 2015 г., стр. 593-602
4. Landau L. J. (1997). Penrose's Philosophical Error. ISBN 3-540-76163-2.
5. Various critical reactions to be found in Behavioral and Brain Sciences. Vol. 13 #4 (1990). P. 643-705; and vol. 16 #3 (1993). P. 611—622; e. g. M. Davis. How subtle is Godel's theorem? More on Roger Penrose.
6. M. Davis. (2005). Is mathematics in sight algorithmic. // Behavioral and Brain Sciences. 13 (4). P. 659-60.
7. Сёрл Д. The Mystery of Consciousness. The New York Review of Books, 1997. С. 53-88. ISBN 978-0-940322-06-6.
8. Stenger V. The Myth of Quantum Consciousness 13-15 (May-June 1992). «The myth of quantum consciousness should take its place along with gods, unicorns, and dragons as yet another product of the fantasies of people unwilling to accept what science, reason, and the iron rule still tell them about the world».

Аннотация. Квантовая реальность - наша жизнь становится тем, во что человек больше всего верит. Так как, мы состоим из постоянно изменяющихся энергетических сгустков, которые образованы из движущихся электронов. В свою очередь, человеческая сущность состоит из взаимосвязанных энергией информации души, тела, сознания. Тело – это эффект, созданный по причине. Данная причина – это Мысль. Истинное намерение в организме развивает соответствующий энергетический импульс, образует электромагнитные волны, которые в пятом измерении резонируются с энерго-информационным полем вселенной. В результате их воздействия, энергия сознания и подсознания, образуя нейронные связи, транслирующие новую информацию, усиливает нервные сигналы и активность гормонов. Потому что, Дух - тонкая, живая энергетическая структура с памятью и сознанием, является частью вселенской энергии. В результате в клетках активируются положительные физические и биохимические процессы. Так как, наши мысли связаны с этой невидимой вселенской энергией, и они определяют то, что формирует эта энергия.

Abstract. Quantum reality – when our life becomes something that people mostly believe in. Since we are full of continuously changing energetic clots that are formed from moving electrons, human essence consists of soul, body, and consciousness. Body – an effect that created for a certain reason. This reason is the mind. Intention creates energetic impulses in an organism, form electromagnetic waves that accumulates with an energo-informative field of the universe. As a result, the energy of consciousness and subconsciousness by forming neuron links reinforces neural signal and activity of hormones. It is because spirit – fine, lively energetic structure with own memory and consciousness and it is a part of the energy of the universe. Our thoughts have a link with this invisible energy and they determine something that is formed by this energy.